

## De ander Epistel S. Johannis.

A



**E**ldeste. Der vherwileden Fruwen vnde eren Kindern / de ick leeff hebbe in der warheit / Vnde nicht allene ick / Sünder ock alle / de de warheit erkent hebben / vmmē der Warheit willen / de in vns bliffe / vnde by vns syn wert in ewicheit.

Gnade / Barmherticheit / Frēde / van Godt dem Vader / vnde van dem Heren Jesu Christo / dem Sōne des Vaders / in der warheit / vnde in der leue / sy mit vns. *oder: sy mit iē.*

B

Matth. 17. a.

1. Ioan. 2. a.

Ioan. 15. b.  
Wat de leue sy.

**I**ck bin sehr vorfrōwet dat ick gefunden hebbe manck dynen Kindern / de in der Warheit wandern / Alse wy denn ein Gebot vam Vader entsangen hebben. Vnde nu bidde ick dy / Fruwe / nicht alse ein nye Gebot schryue ick dy / sūnder dat wy gehat hebben van anbeginne / Dat wy vns vndereinander leeff hebben / Vnde dat is de leue / dat wy wandern na synem Gebade.

Dat is dat Gebot / alse gy gehōret

hebben van anbeginne / v̄p dat gy darsiluest inne wandern. Wente vēle Vorsōfers sint in de Werlt gekamen / de nicht bekennen Jesum Christum / dat he in dat Fleesch gekamen is. Disse is de Vorsōrer vnde Wedderchrist. Sehet juw v̄or / dat wy nicht vorlesen wat wy gearbeidet hebben / sūnder full Lohn entsangen. Wol auertret / vnde bliffe nicht in der lere Christi / de hefft a nenen Godt. Wol in der lere Christi bliffe / De hefft beyde den Vader vnde den Sōne.

So jeman tho juw kumpt / vnde bringet disse lere nicht / Den nēmet nicht int huf / vnde grōtet en ock nicht / Wente wol en grōtet / de maket sieck deelsaffich syner bōsen wercke. Ick hadde juw vēle tho schryuende / Auert ick wolde nicht mit Brefen vnde Blacke / Sūnder ick hape tho juw tho kamende / vnde mūntliken mit juw tho rēdende / V̄p dat vnse frōwde fullenkamen sy. Dy grōten de Kinder dynen Sūster / der vherwileden / Amen.

C  
1. Ioan. 2. c.  
4. a.

a Nenen Godt Wente / dat buten dem getouen Christ / vorsaren is / alle Gadesdenst in der gangen werlt.

D  
2. Theff. 3. b.

Ioan. 6. c.

## De drūdde Epistel S. Johannis.

A



**E**ldeste. Gaidem leuen den ick leeff hebbe / in der warheit. Myn leue / Ick wūnsche in allen stücken / dat ick dy wol gah / vnde gesunt shest alse ick denn dynen Seelen wolgeit. Ick bin auert sehr vorfrōwet / do de Brōder quemen / vnde geuen tūchenisse van dynen warheit / alse du denn wanderst in der warheit. Ick hebbe nene grōter frōwde / denn de / dat ick hōre / dat myne Kinder in der warheit wandern.

Myn leue / Du deist truweliken /

wat du deist an den Brōdern vnde Geften / de van dynen leue tūchenisse gegeuen hebben / v̄or der Gemene / Vnde du heffst wolgedan / dat du se wechgeschicket heffst / werdichliken v̄or Gade. Wente vmmē synes Namen willen / sint se v̄thgetagen / vnde hebben van den Heiden nīchtes genamen. So schōle wy nu s̄tcke annēmen / v̄p dat wy der warheit Helpers werden.

Ick hebbe der Gemene geschreuen / Auert Diotrephes / de manck en wil groth gehalten syn / nīmt vns nicht an. Darūmme wenn ick kame / wil ick en vormanen syner wercke / de he deit / Vnde wasschet mit bōsen wōrden wedder vns /

B  
Ebrz. 13. a.1. Cor. 9. b.  
2. Cor. 11. a.  
Marth. 10. c.C  
Diotrephes.

vnde

